

NUUS VANAF DIE SINODALE KANTOOR

Seënwense vir 2016

Geagte Leraars, Kerkkantore en Emeriti

Graag wil ek vir elkeen 'n baie geseënde en voorspoedige nuwe jaar toewens!

Hierdie jaar sal sekerlik sy eie uitdagings en geleenthede bied.

Mag julle God se genade werklik beleef en ervaar.



Dr. HH van der Linde
SDK Voorsitter

— SIEN DIE AANGEHEGTE DATUMLYS VIR 2016

TUTELA HOU WYDINGSDIENS VIR 2016

As daar nou een jaar is wat ons in Suid Afrika met groot onsekerheid aanpak, is dit waarskynlik 2016! Ekonomies was die Rand nog nooit so swak nie. In die media word druk gesprekke gevoer oor rassisme en die feit dat dit klaarblyklik steeds in landsburgers se harte leef. Geweldsmisdaad en korrupsie neem steeds toe. Sosiale, etiese en materiële armoede is sodanig deel van ons samelewing, dat ons dit amper as vanselfsprekend aanvaar.

Dit is teen hierdie agtergrond dat Tutela weer sy jaarlikse *toewydingsdiens* op **Vrydag, 5 Februarie 2016 om 10h00 by die sinodale sentrum** reël. Ons poog om al die werknemers by die kerklike Tuistes vir Bejaardes, Kinderhuise en Gesinsorgkantore saam te bring vir 'n erediens waarin ons die Here se seën op die missionale diakonaat in die Hoëveld vra. By die geleentheid so aan die begin van elke jaar bid ons om wysheid sodat ons meer met minder kan doen. Ons bid ook vir die kerk en die lidmate en vir die armes en mense in nood. Dit raak 'n geleentheid waarin ons onself toewy aan die Here en vra dat Hy ons volgens Sy wil in Sy diens sal gebruik.

Omdat die maatskaplike dienste wat Tutela lewer, niks anders as deel van die missionale diakonaat van die kerk is nie, nooi ons hiermee alle gemeentes binne die sinode van die Hoëveld om die wydingsdiens by te woon. Dit sal wonderlik wees as die diakonieë of kommissies van barmhartigheid van elke gemeente by die diens verteenwoordig sou kon word.

Laat weet asb. as daar iemand uit jou gemeente die wydingsdiens kan bywoon. Ons wil graag na die diens verversings geniet en getalle is daarom belangrik.

Groete en seën vir 2016.

DR. BOTHA VAN AARDE

Ons gebede is vandag met dr. Koorts wat 'n 2-aar hartomleidingsoperasie ondergaan.

Ons gebede is dat hy gou sal herstel.



Tutela
CARING BRINGS HOPE. ONSEEE BRING HOOP.

NUUS VANUIT DIE ALGEMENE SINODE KANTOOR

➤ **ALGEMENE SINODE 2015: NOTULE EN BESLUITEREGISTER**

Die Notule en Besluiteregister van die afgelope Algemene Sinode is nou op die tuisblad van die NG Kerk beskikbaar.

Volg asseblief die volgende skakel om daarby uit te kom: <http://ngkerk.org.za/wp/>

PUBLIKASIES

Die week is die fokus op die eerste uitgawe van Kerkbode en die komende Jaarboek.

Inligting, Navrae en Diensverskaffing:

- Skakel 0860 26 33 42 of 021 864 8210
- Of stuur jou bestelling per e-pos na: bestel@bmedia.co.za
- Of koop direk met jou kredietkaart op die webtuiste: www.bybelmedia.co.za

LEES IN DIE KERKBODE VAN 22 JANUARIE ...

Kerkbode se gay-debat word deur dr Andre Bartlett van Excelsus en ds Piet Otto van Griekwastad afgeskop. Van verskillende kante af gee hulle 'n oorhoofse Bybelse argument vir hulle siening oor gay verbintnisse.

Verder is daar in Kerkbode verskillende verhale uit die kerklike lewe: 'n Gemeente wat in die stad boer om vir armes kos te gee; 'n dorp waar daar vroeër 375 haweloses is, maar nou net 'n handvol; lidmate wat help dat ander se Kersfees nie eensaam is nie.

Lees ook oor die Suid-Afrika waarvoor ons bid, oor hoe 'n missionale kerk moet sing, en oor waar in die wêreld dit nou die moeilikste is om 'n Christen te wees.




JAARBOEK 2016

Weens meganiese probleme wat die drukkers ondervind, sal die 2016-Jaarboek eers teen die einde van Januarie aan gemeentes en individue wat reeds bestel het, gepos word.

Indien jou gemeente nog nie 'n bestelling vir die 2016-Jaarboek geplaas het nie, is dit nou die tyd om te bestel.

http://eshop.bybelmedia.org.za/?s=jaarboek&post_type=product



KURSUSSE, KONFERENSIES EN SEMINARE

 <p>exelsus SENTRUM VIR BEDIENINGSONTWIKKELING</p>	<p>Sertifikaatkursus in Bedieningsontwikkeling vir predikante in die beginfase (1-5 jaar) van hulle bediening</p>
<p>Dit is 'n intensiewe kursus wat bedoel om predikante in dié fase te help om op 'n dieper en meer grondige vlak georiënteer te word ten opsigte van hulle bediening.</p> <p>Die kursus word in die formaat van <i>nege blokke</i> (van 3 dae elk) oor <i>die loop van drie jaar</i> aangebied. Persone wat inskryf, <i>verbind hulle vir die volle drie jaar van die kursus en woon 3 kontaksessies per jaar by.</i></p> <p>Ons probeer die koste so laag as moontlik hou en vra R780-00 per module (wat kursusmateriaal, 2 middagetes en 3 dae se verversings insluit). Betaling geskied per module, maar kan ook per jaar (d.w.s. R2 340-00) of vir die hele kursus vooruit (d.w.s. R7 020-00) betaal word. Vir proponente en predikante in deeltydse poste word die kursus teen 'n spesiale verminderde koste van R550-00 per module aangebied (R1 650-00 per jaar, R4 950-00 vir die volle kursus).</p> <p>Persone wat die volle kursus voltooi, verwerf 180 VBO-punte (d.w.s. 60 punte per jaar).</p> <p>Die drie modules wat in 2016 aangebied word, is die volgende:</p> <ul style="list-style-type: none"> · 19-21 April <i>Wie is ons? Oor ons Gereformeerde én algemeen Christelike identiteit</i> · 26-28 Julie <i>Gemeentelike bestuur en leierskap</i> · 25-27 Oktober <i>Wat maak ons met die Bybel? (Ou Testament)</i> 	

VAKATURES




PREDIKANT IN SINODALE DIENS: TEOLOGIESE NAVORSING WES-EN-SUID-KAAPLAND SINODE

Die Sinode van die NG Kerk in Suid-Afrika (Wes-en-Suid-Kaapland Sinode) maak die vakature vir 'n **Predikant in Sinodale Diens: Teologiese Navorsing** in die Diensgroep Toerusting (Stellenbosch) bekend en nooi alle belangstellendes wat daartoe geroepe voel om hulle vir hierdie pos beskikbaar te stel.

Aangeheg is meer inligting rakende verantwoordelikhede en vereistes.

Sluitingsdatum vir aansoek: 29 Januarie 2016.

ACHTERBERGH
Kamp- en Konferensiesentrum



ACHTERBERGH KAMP EN KONFERENSIESENTRUM – VAKANTE POS

POS: ADMINISTRATIEWE ASSISTENT/ONTVANGS

Voorgestelde vergoedingspakket: Die totale vergoeding vir hierdie pos is R 99 265 per jaar (TKVI)

Beknopte omskrywing: Die Administratiewe Assistent/Ontvangs verleen hulp aan die Senior Administratiewe Beampte ten opsigte van die administratiewe en finansiële bestuur van die Achterbergh Kamp en Konferensiesentrum, ten einde te verseker dat alle dienslewering op 'n deurlopende basis effektief en doeltreffend binne alle toepaslike wetgewing, beleid en prosedure riglyne plaasvind.

Ander pligte en verantwoordelikhede:

Kantooradministrasie	Ervaring van finansiële bestuur met kennis van algemene rekenkundige praktyke
Skakeling met publiek	Rekenaargeletterdheid (MS Office/Publisher)
Skriftelike en verbale kommunikasie	Taalvaardigheid: Afrikaans en Engels
Beplanningsvermoë	Kantoor-etiket
Akkuraatheid	Organisasievermoë
Hou by sperdatums	Algemene sekretariële kennis

Gepaste kwalifikasies:

Graad 12 met rekeningkunde as vak

Gepaste ervaring:

Twee jaar toepaslike administratiewe en skakel ondervinding

DIE POS IS GESTASIONEER IN DIE KRUGERSDORP OMGEWING EN BIED GEEN HUISVESTING OP DIE TERREIN NIE.

AANSOEKE EN SLUITINGSDATUM:

Aansoekers moet 'n volledig voltooide aansoekvorm, saam met 'n opgedateerde CV per epos of faks stuur aan die Bestuurder, Mnr Hennie Schoeman: bestuurder@achterbergh.co.za of faks: 086 619 3679 **voor of op Vrydag 29 Januarie 2016.**

Die aansoekvorm is beskikbaar by die volgende epos adres: bookings@achterbergh.co.za of kontak Yolandi Myburgh in verband hiermee by 011 954 5533.

VOLTYDSE MAATSKAPLIKE WERKER TUTELA GESINSORG SUIKERBOS

Werkingsgebied: Nigel, Ring van Heidelberg

Aanstelling geskied op: **1 April 2016**

Vereistes vir die pos:

- Geregistreerde Maatskaplike Werker by SACSSP met bewys van betaling van ledegeld.
- Kennis van kerklike maatskaplike dienste is 'n aanbeveling
- Uitgebreide kennis van alle maatskaplikewerkmetodes.
- Goeie administratiewe vaardighede.
- Rekenaarvaardigheid.
- Uitstekende kommunikasievaardighede in Engels en Afrikaans.
- Moet onafhanklik kan werk en funksioneer maar ook waar nodig as deel van 'n span kan werk.
- Geldige Kode 8 bestuurslisensie.
- Die bestuur behou hul die reg voor om nie 'n aanstelling uit die aansoeke te maak nie.

Sluitingsdatum vir aansoeke: 12 Februarie 2016

Stuur CV en aansoek aan:

Tutela Gesinsorg Suikerbos

E-pos: cmrnigel@mweb.co.za

Navrae:

Die Assistent Direkteur Tutela Maatskaplike Dienste

Me. Lourette van Heerden

Tel: 011 975 8220

E-pos: lourette@tutela.org.za

VOLTYDSE LERAAR (SENIOR JEUGBEDIENING) NG GEMEENTE WELTEVREDEN

Posbeskrywing:



Aanzoekers moet hulle in die Missionale kultuur van die gemeente kan tuisvoel en help om dit verder uit te bou. **Die fokus van die suksesvolle kandidaat se bediening sal wees om tieners en jongmense saam met hulle ouers en vriende te begelei op 'n reis van geloofsgroei en dissipelskap.** Verder sal dit behels om netwerke in die stad Johannesburg op te bou & om 'n geloofspad vir jongmense, hulle gesinne en vriende moontlik te maak.

Ons is oortuig dat die volgende bedieningsvaardighede die visie en roeping van die gemeente ondersteun:

- Die vaardigheid om die Bybel saam met die gemeente te lees en oop te wees om die werking van God (missio Dei) in Woord, gemeente en konteks te onderskei.
- Vaardighede om in 'n span saam te werk en dus prakties uiting te gee aan ons oortuiging dat ons 'n gemeenskap van liefde en inklusiwiteit is. Ons stel dus baie belang in kandidate se verstaan van liefde in 'n geloofsgemeenskap, en ook inklusiwiteit en gasvryheid.
- Die vaardigheid om transformasie te begelei, veral saam met jonger generasies. Ons stel belang in die kandidaat se verstaan van klimaatskepping en mentorskap, hoe begeleiding werk, en hoe dit veral op jonger generasies van toepassing is.
- Die vorming van netwerke om die geloofsreis van jongmense te ondersteun.



Ons vier waardes moet in elkeen van ons bedienings sigbaar wees, nl.

- ~ Deernis aan weerloses
- ~ Elke generasie
- ~ Vreemde gasvryheid
- ~ Diep vriende



Ons sal graag wil hoor hoe kandidate hulle eie spiritualiteit beskryf.

Aansoekprosedure:

Gelegitimeerde leraars van die NG Kerk met 'n minimum bedieningservaring van 3 jaar in jeugwerk, kan aansoek doen deur die volgende aan die kerkraad voor te lê:

- 'n CV (nie langer as 4 bladsye nie) vergesel van drie referente met kontakbesonderhede, waarvan een 20 jaar of jonger moet wees.
- 'n Kort voorlegging van u siening van 'n bediening aan jonger generasies.
- 'n Opname van 'n onlangse preek
- 'n Video opname van 3 min (bekendstelling van jouself)

Stuur aansoeke met 'n dekbrief aan mnr Jurie Ferreira (bestuurder@ngweltevreden.co.za).

Rig navrae aan:

Jurie Ferreira (Gemeentebestuurder)
011 475 5510

Ds Hettie Wessels (Spanleier)
083 254 6833

Sluitingsdatum vir aansoeke: 17 Januarie 2016

Diensaanvaarding: Onderhandelbaar rondom 1 April 2016

Die vergoedingspakket word deur die riglyne van die Sinode Hoëveld bepaal, en daar is ruimte vir onderhandeling m.b.t. verblyf.

Die Kerkraad behou homself die reg voor om nie 'n aanstelling uit die aansoeke te maak nie.



**Ons is op soek na ENIGE interessante nuusbrokkies!
Ons wil ook baie graag inligting van ons leraars in die
nuusbrieff plaas.**

**Laat weet ons asseblief wanneer daar nuwe leraars by
jul gemeentes is, of bevestig word, emeriteer en selfs
na ander Sinodes verhuis. Enige nuus is welkom!**



BESOEK ONS OOK OP FACEBOOK

WWW.FACEBOOK.COM/SINODEHOEVELD



VRYWARING

Die inligting wat voorsien word en standpunte wat gehuldig word in die **NUUS VANAF HOËVELD SINODE** behels, het geen verifiëring van bevindinge, gevolgtrekkings en opinies deur die NG Kerk van Suid-Transvaal [NG Sinode Hoëveld] nie. Dus weerspieël die inligting en standpunte wat in die **NUUS VANAF HOËVELD SINODE** gehuldig word nie noodwendig die van die NG Sinode Hoëveld of sy personeel en lede nie. Menings, afleidings en ander inligting in hierdie boodskap wat nie verband hou met die amptelike werksaamhede van die NG Sinode Hoëveld nie, verteenwoordig nie die amptelike standpunt(e) van die NG Sinode Hoëveld nie.

NUUS VANAF HOËVELD SINODE plaas slegs nuus en inligting vanaf die sinodale, rings- of gemeentelike verband.

Die NG Sinode Hoëveld aanvaar geen verantwoordelikheid vir enige benadeling en/of skade aan persone of eiendom as gevolg van produk-aanspreeklikheid, waninligting verskaf, nalatigheid of die gebruik van enige metodes, produkte, instruksies of idees wat vervat is in die materiaal soos opgeneem in die **NUUS VANAF HOËVELD SINODE** nie. Die inligting en advies is beskikbaar gestel in goeder trou en is afgelei van die inligting verskaf deur die betrokke organisasie/persoon en word voorgedhou as betroubaar en akkuraat ten tye van die bekendstelling daarvan. Dit is die verantwoordelikheid van die gebruiker om sy of haar eie besluite te neem oor die akkuraatheid, geldigheid, betroubaarheid en korrektheid van die inligting. Dit beteken dat die instansie en/of die betrokke persoon wat die plasing in die **NUUS VANAF HOËVELD SINODE** versoek, dan volle verantwoordelikheid vir die gebeure of inligting aanvaar.

Vir enige navrae in verband met hierdie Nuusbrieff skakel gerus me N Marais by 011- 975 8220.